

पाथ – ७

बाइबल कै जैद प्ररिन्या

१. प्राइरानी डात मेलाव यासिउ पदलाई कन्थ जैव ताके।

“मिँलाई ज़्यावए वाज़ माडाव। डाज़्याव परमेस्वरए

ओयाःनी पुलुस्ज़्याव पाँए ची।” (मत्ती ४:४)

यासिउ खाली पोल रोताव पद भरैव ताके।

..... ज़्यावए ।

.....एनीए

..... ।

२. भर्जा प्ररिसिउ पदए, मिँ बाँचिन्याए जूँनी नेकिसम्लाव
ज़्यावए ओचाहित ताज़्या है लिद ले। आव नेकिसिम्लाव
ज़्याव सोनो परमेस्वरए ओपाँ काताए उजूँनी
ओचाहिज़्याव?

क. गमनिकाव क्याँए जूँनी चाहिज़्या।

ख. पुरूसए जूँनी चाहिज़्या।

३. संसारलाव प्राइरानी ओचाहित ल्यो पोस्तोको
बाइबललाई परमेस्वरए ओपाँ है दासिउ लिज़्या। गेलाई

सा:रो क्याँनी बाँचिन्याए जूँनी पुरूसनिकाव ज़्याव कै जैद ओदैसिज़्याव? थिक लिज़्यावल (✓) चिना लैव ताके।

क. बाइबललाई खातल मो:द नैद।

ख. बाइबल प्ररिद सोनो सथैद।

ग. ज़्याव ज़्युद।

घ. बाइबल गुमल भा:द स्याँद।

४. पुरूसनिकाव ज़्याव काता?

प. ए ओ

५. काताकाव भाउज़ा मनी ज़्याव माज़्युद माघ्यो:धुइ।

परमेस्वरए ओथोल जर्मिउत नँ ज़िम्ज़ा भाउज़ा मिताव ताद नले। अब ज़िम्ज़ा भाउज़ालाई कै जैद ज़्याव गेएज़्याव-

क. नोए ओल ज़ पकनी पक ज़्युज़्याव।

ख. नोए ज़्यु ज़ माज़्यु।

ग. छुतए ज़्यासो परिज़्या, जाँ कोसै ते आमाए।

६. खाली बनै पखन भाउज़ाए ओघ्योःवत काता ओजैज़्याव?

क. हानु वाज़ ओज़्याव।

ख. तनो ज़्याव ओल ज़ ज़्युज़्याव।

ग. जाँ दुखस ज़्युज़्याव।

७. क. नँलाई आख पै कन्थ जैन्या तुइँज़ा तुइँज़ा पद वाज़ याद नैसिउ लिज़्या। आव भर्जा जर्मिउ भाउज़ालाई यासिउ मिताव ज़।

ख. अब ते नँ पाखो ख्रीस्त्यान नतावए नँ कै जैद ज़्यान्या लिद सैव परिए। एकतारव तुइँज़ा खन्द क्याँ ज़ प्ररिन्या ओचाहित लिज़्या।

८. बाइबलाव साःरो बाचा अथबा पुरा बाइबल नँस जुनी ब लिज़्याखेहो। नँस फरी नो ब ओमालिकिन नधुवा चाँदो तोबो बाइबल लँःव ताके। आवए जूँनी छुत काता सुधिन्या पाँर उलिकिन पैज़्यावलाई है दाव ताके।

तिप्पनी-बाइबल भाःङ नेपालीनी सर्सिउ माःक। छीनी उल्था जैसिउ ची। आव पोस्तोकोल

बाइबललाव पदर सा:रो सुधारैसिउ बाइबलनी रैसिउ लिज़्या। गे नँलाई मनी सा:रो सुधारैसिउ बाइबल ज़ प्ररिन्या सल्ला गेइँज़्या।

नँलाई बाइबल चाहिज़्या काराव ल्यो ताकिन आव प
..... ए सोनो गे ज़्याव ज़।

६. गे ज़्याव कै जैद गेज़्युज़्याव बिचार दाद खामिउ ताके।
है लिन्या ल्यो ताकिन खापाला गेज़्युज़्याव? थिक
जवापल (✓) चिना लैव ताके।

क. साताकाव तखेप।

ख. मैनाकाव तखेप।

ग. दिनका ज़।

१०. है जैद नँ पुरूस बाँचैज़्याव ज़्याव खर्क ज़्याव
उपरिज़्याव?

क. साताकाव तखेप।

ख. मैनाकाव तखेप।

ग. दिनकाव ज़।

११. एकमन्या बाइबल नपरिकिन सोनो बाइबलए है
उलिङ्याव मिताव नदोकिन नजिबनल किताव
ओरैःरिङ्याव?

क. डा पाखो ख्रीस्त्यान तानान्या डाले।


ख. काता ज़ तोसिन्या माले।

ग. परमेस्वरए उजूनी भन छया वाज़ सैन्या
डाले।

१२. मेलाव चित्र चिऊद है ल्यो ताके, चित्रल परमेस्वरए
ओपांत कान्काव यादा ओतानाङ्याव?

क.

ख.



क



ख

१३. येसुए उसिसरालाई है यादोक्यो-

“....परमेस्वर डाबाबुए डा डामिननी जेलाई सघैन्या छैव
उपूरुस परींदयाचिरिज़्याव। नो जेस लिद प्राई
पैचिरिज़्याव। आव डापाँर मनी याका दाव
परीचिरिज़्याव।” (यूहन्ना १४:२६)

है जैद बाइबल नप्ररिक नँलाई चावस पैन्या सु
ओतारिज़्याव? थिक जवापत (✓) चिना लैव ताके।

क. हिसाब पैज़्याव।

ख. खेल पैज़्याव।

ग. छैव पुरूस।

१४. बाइबल प्ररिन्या भन्दा डादा परमेस्वर बाबुलाई
‘डालाई छैव पुरूसए सब्याल्द नपाँनी पैनायो’ लिद
पोंखारिउ परिज़्या। बाइबललाव तोथो खन्द प्ररिउत
छैव पुरूसए काताकाव पाँ पैव
ओपैज़्याव खिमो परिज़्या।

बाइबल नप्ररिन्या डादा किताव ताव उपरिज़्याव?

क. छैव पुरूसए सघैन्याए जूनी पोंखारिन्या।

ख. बाइबललाव तोबो खन्द प्ररिन्या।

ग. छैंव पुरूसए काता ओपैसिज़्याव हो खिमन्या।

१५. बाइबललाव खन्दनी छैंव पुरूसए पैव ओपैज़्याव पाँर सैन्याए जूँनी इतावनी सुधिउ गेधुइ-

“आव खन्दल काता काता पाँ पुरूसनी चावस डासैंव सोनो खास काता पाँर डास पाँद उलिज़्याव?”

आव प्रस्न बाइबललाव खन्द प्ररिन्याकिन डादा सैं छींनी ओदासिज़्याव?।

१६. नमुनाए जूँनी बाइबल दिनकाव अध्यान दाक यूहन्नाए चाव ओथानी सुरू दान्या बिचार दोक्यो। मेल यासिउ पद यूहन्नाए चाव ओथानी रैसिउ लिज़्या।
आवलाई बनै ध्यानस प्ररिउ ताके-

“नो (येसु) मानुवात हुवए ज़ आव नाम नम जैक्यो। हितावत ब आव मानुवाताव मिँराए ओललाई मासरेस्धुकेर। ओल नो उमीराए याल्योक ज़ हुके। खाली नोराए भन मासुम्केर। हैदि मनी जो जोराए ओपाँर भैःद यायुँ हुप्ज़्या, हो होरालाई परमेस्वरए ओज़ार तान्या हक याएज़्याव।” (यूहन्ना १:१०-१२)

आव पदल नँ सैंव ज़ परिन्या पाँर जाँवा लिज़्यार।
 नोर गे ड़ादाडाव पाथल प्ररिसिउ ओचाहित ल्यो
 खन्दर लिज़्यार। नोर काता काता?

“जो जोराए ओपाँर ओललाई
 हो होरलाई परमेस्वरए
 तान्या याएरिज़्याव।”

१७. है जैद सुदिसिउ १६ नं. लाव जवाप इतावनी याव
 धुसिए- बाइबलल (यूहन्ना १:१०-१२) लाव खन्दनी
 डायुँल खास ओपाँव पाँर आवर ज़।

“जो जोराए ओललाई

 ।”

१८. आख लड १६ लाव यासिउ खन्दलाई चिऊव ताके।
 आवलाई फरी प्ररिद लड १७ ल नरूजिउ पाँराए धूँल
 धर्का लैव ताके।
 काता नँ इताव ज़ नजैव रो?।

१९. बाइबल प्ररिद रूवा रूवा खास पाँरानी नयुँल
 रूपिसिज़्या ल्यो ताकिन आव सैंव परिऐ, छैंव पुरूसए
 आव पाँ पैव पैज़्याव। नो ज़ नजूनी नो छचामकाव
 नपुरूस बाँचैज़्याव ज़्याव ताज़्या।

बाइबल प्ररिद छैंव पुरूसए खास ओसतैज़्याव पाँर
 य़ाका दान्या चाव लिज़्या। आवऐ जूनी नो पाँराए धूँल
 भाःव ताके।

२०. तिप्पनी- कुधु बर्स ड़ादाकिन ज़ य़ाका दान्या सजालो
 घताक लिद बेला बेलाक ख़्रीस्त्यानराए यासकाव
 लिज़्याव बाइबललाव खास खास पदराए धूँल चिना
 लैहुन्या चलन लिज़्या। इताव चिना लैन्याए ओअर्थ
 आव ज़, मिँराए यायुँ सोनो यादिमाकल आव चावस
 उरहिक सोनो नो मितावनी येन दान्या यायुँ ओभेंःक।

नबाइबलल सर्द चिना लैन्या चलन नजांगर माहु धुव।
इताव जैक नँ बाइबल फोर ताज़्या लिन्या नसुँचिया ।
आवए जूँनी-

क. कितर मेतैसिधुन्याए जूँनी सिसाकलमए चिना
लैव ताके।

ख. अथबा, जो पदए नँस कितावनी पाँज़्या, नोलाई
तकेज़ा कापी तादी ब पानाए उकुतुरात सर्द
नबाइबलल भाःद नैव ताके।

आलाव है लिसिउ काताकाव तरिका बाइबल
नपरिक चलैन्या नले लिद आस डादोज़्या।

२१. बनै चाव सोनो युँ छुन्या ओतादी ब तोबो खन्द भरी
धर्का भाःद चिना लैन्या चाव माःक। नँलाई नो
छचामकावए जूँनी ज़्याव ओताव खास पाँत वाज़
चिना लैव ताके मेलावरानी काताकावत चिना लैव
उपरिज़्याव?

क. तोबो खन्द भरी।

ख. नँस पाँसिउ खास पाँ।

ग. काताकाव मनी माःक।

२२. नँस खास ओपाँव पाँत चिना नलैवत पोँखारिउ ताके।
पोँखारिउ परिन्या ओचाहित ल्यो पाँर काता काता
लिज़्याखेहो?

क. नँस ओपाँव खास पाँराए जूँनी।

ख. उपन्यासल प्ररिसिउ जाँवा पाँर।

ग. ननैलाई भर्जा है नदोव पाँ।

२३. फरी तखेप नमुना गेचिऊया-

“जो जोराए ओपाँर भैःद यायुँ हुप्ज़्या, हो होरालाई परमेस्वरए ओज़ार
तान्या हक याएज़्याव।” (यूहन्ना १:१२)

रोताव पदलाई आद जैद नपोँखारिक इतावनी
पोँखारिउ परिज़्या।

“परमेस्वर बाबु नज़ाल नगनिनावए जूँनी नँलाई
धन्याबाद। आछिमकाव डादोरिज़्याव येन भरित
नजाँगर हुव नज़ा तान्याए जूँनी सघैनायो। आमेन।”

बाइबल प्ररिधुवत नँ काता पाँए जूँनी पोखारिउ
उपरिज़्याव?

डास खास पाँराए जूँनी।

२४. बाइबल प्ररिन्या सोनो खास पाँए उधूँल चिना लैन्याए
वाज़ पुरा माताए। बाइबलए है लिज़्या-

“ खाली जे परमेस्वरए ओपाँ थैज़्यावर वाज़ माःक,
दाज़्यावर ब जैसिउ ताके, मानी जेक्याँलाई जे ज़ धोका
यान्या जेले।” (याकूब १:२२)

गेस खास पाँन्या पाँत चिना लैधुवत काता जैव
उपरिज़्याव?

क. डमो पाँत छ्या छ्या रेंन्या।

ख. पोखारिद बचनए है ओल्यो पाँलाई दाद
सतैँन्या।

ग. सिऊसिसिउ पाँ वास्ता ज़ मादान्या।

२५. इतावनी ज़ परमेस्वरए एकतार दोरैसिज़्याव लिद
बाइबलए है लिद ले।

“नँ नपाँ डाखँए जूँनी ज़गै सोनो डायेमए जूँनी पलाँ लिज़्या।”
(भजन ११६:१०५)

गे फरी चुम चुमोदा बान्या सोनो मान्या गेमापैँए ल्यो
ताकिन एकतार गेड़ात बादचान्याए जूँनी काता प्ररिउ
उपरिज़्याव? ।

२६. क. नँसकाव बाइबलए खास है उलिज़्याव पाँलाई
कै जैव नपैँज़्याव?
..... ।

ख. बाइबल नप्रिधुवत काताए जूँनी पोखारिउ
उपरिज़्याव?
..... ।

२७. लड १ लाव कन्थ जैसिउ पदलाई है लिन्या
उदिम दाव ताके। नोए है उलिज़्याव पद मनी
याका दाव परिज़्या ह।

बाइबल अध्यान,
पोंखारिन्या सोनो
आग्यालाव पाँ सिप सिप
ताव परिन्या पाँर ज़।



२८. आख ते जाँच ७ दाव ताके।

जाँच ७

१. गेपुरूस बाँचैज़्याव ज़्याव काता?

..... ।

२. आवलाई काता काता बेलाक प्ररिउ उपरिज़्याव?

..... ।

३. बाइबललाव रूवा पाँए डालाई है ओदाँकिन डा काता जैव उपरिज़्याव?

..... ।

४. बाइबल प्ररिधुवत डा काताए जूँनी पोखारिउ उपरिज़्याव?

पद ।

५. कन्थ जैसिउ पदलाई मेलाव खाली पोल सरो ताके।

.....

.....

..... पद

..... ।